

WEGANAN DI REINO LO TUMA LUGAR NA ARUBA

ORANJESTAD (AAN) : Diabierna mainta tabata tin un conferencia di prensa na Cas di Famia Ecury den Schelpstraat, caminda tabata presente: Ministro di Antiyas, señora Dijkhoff, Ministro Lili Beke, Staatssecretaris di Hulanda; señora Erica Terpstra y e coordinadornan cu ta organisa e Weganan di Reino.

E motibo pakico e Weganan di Reino di worde teni na Aruba ta pasobra e tres mandatarionan a haci un bishita na e Stadion nobo, Mansur Ballpark, Aruba Racket Club y e compleho deportivo di Mariniers Kazerne.

Nan a keda masha encanta cu e complehonan aki y ta pesey nan a dicidi di laga e Weganan di reino tuma lugar aki na Aruba.

Cu otro palabra e mandatarionan a haya cu Aruba tin e mihor infraestructura ariba tereno di deporte, pa asina organisa e weganan akinan.

Segun e mandatario hulan- des señora Trepstra, Aruba por ta hopi orguyoso cu su complehonan deportivo.

E intencion ta pa laga e weganan tuma lugar cada dos aña y ta toca parti na Antiyas Hulandes na 1997 y

pa Hulanda na 1999 pa organisa e weganan aki.

Aruba ta e prome pais den Reino caminda e weganan aki lo tuma lugar y cu esaki nos por ta orguyoso cu e desicion a cay na favor di Aruba como prome locacion pa e weganan aki.

E ramonan di deporte cu lo participa den e weganan aki lo ta: Voetbal, Baseball, tennis, Atletismo y cada pais cu ta organisa e evento aki tin derecho di pone un deporte adicional na su agrado.

Pa Aruba e deporte adicional pa Aruba lo ta Taekwondo y Judo.

Den tur e weganan aki e control di Anti Doping lo worde aplica severamente, pa asina segura cu e weganan lo bai ta uno limpi.

Tambe lo tin demostracion di deporte door di esnan fisicamente handicap.

E pre seleccion di cada pais mester ta cla na januari 1995.

Durante e añanan venidero cu e weganan aki ta worde organisa lo bai tin stage pa esnan cu ta involvi y interesa.

Despues di cada biaha cu e weganan ta worde or-



ganiza lo tin un evaluacion di e organizacion.

Financiamiento di e proyecto aki lo bai costa 300.000,00 Florin di cual 200.000,00 Florin ta bin for di e Departamento di Ministro Voorhoeve cual ta e Ministerio pa Asuntonan Antiyan y Arubiano.

Di e Departamento di e Staassecretaris Terpstra lo bin 100.000,00 Florin tambe pa e Weganan di reino.

Lo busca manera pa haya placa di sponsering for di comerciantenan local.

Esnan cu ta bin na remarque pa e weganan aki, lo ta

muchanan di 14 pa 18 aña, pero si muchanan mas hoben, p.e. di 12 aña, cu ta apto pa participa, anto esaki tambe lo ta posibel pero e talento mester tey.

E meta principal di e Weganan di Reino ta pa trece lazonan di amistad duradero.

AUTO CU DROGA

A SER PARA DEN

CAYA PRINCIPAL

ORANJESTAD (AAN): Tabata den Caya Betico Croes na altura di Wimco, cu un Patruya di Polis a para e chofer di inicial E.E.B. E ta un persona conoci caba di ta maneha auto sin licencia, y ademas e vehiculo no ta sigura.

Durante cu Polis ta trahando e multa, un vista a worde tira den e auto. E agentenan a constata cu eyden tin atributonan cu ta worde usa pa huma base.

Un pida papel conteniendo substancia parecido na Cocaina a worde haya.

Esey a pone cu tanto e homber E.E.B. y e pasahero, un mucha muher di inicial S.B. a worde hiba Warda di Polis.

Fiscal Auxiliar a atende e caso, y a pasa e pareha y e substancia pa Departamento di Narcotica. Despues di interrogacion e pareha a worde laga den libertad.

AWO NOS TIN ARUBABOOT NA HULANDA TAMBE!!!

